

**Te mataora nei matou i te reva e te ora'anga meitaki o Queensland nei. Tera ua ra, ko te au turanga natura manamanata mei te te uriria e te vai puke, e au turanga tinamou teia i konei. Kua oti i te au mea tei tupu ana i mua atu i te akaari mai e, auraka matou kia noo vare ua i te au tumatetenga ta teia au kino pakari viviki ka akatupu.**

Akamata'ia i teia taime tikai i te teatea-mamao no te au kino pakari viviki te ka tupu na roto i te:

- Teatea-mamao'anga i ta kotou Parani No te Tuatau Kino Pakari Viviki;
- Teatea-mamao'anga i ta kotou Ko'u Apinga tauturu no te Tuatau Kino Pakari Viviki;
- Teatea-mamao'anga i to kotou ngutuare; e te
- Akatangi akarongo atu anga i te au Tuatua Akamatakite'anga.

Ko teia au tuanga angaanga mama ua i te rave te ka riro i te tauturu ia kotou kia papa, kia ora e kia iti te au kino ta te turanga natura kino pakari viviki ka akatupu.

Teia te au takainga e a no te tauturu ia kotou i te teatea-mamao'anga i ta kotou Parani no te Tuatau Kino Pakari Viviki.

## 1. Kimi ia te au akataka'anga paruru i te au turanga kino e te au tumatetenga tei akano'o ia no to kotou oire.

- Eaa te au turanga kino maata penei te ka tupu ki to kotou oire? E au tuatua akakitekite ainei tetai o te au Disaster Management Plans no te au turanga kino maata me tupu ake?
  - Ui'ia atu ki to kotou are vairanga puka (library) e to kotou konitara oire, no te au tuatua akakitekite e te au parani.
  - Ui'ia atu ki to kotou konitara oire no te au apinga kapikipiki akamatakite'anga o to kotou oire, te au akanoono'anga no te neke'anga kia ora te iti tangata, ki tetai ngai meitaki (evacuation) e te au mataara tau no te aere me raveia te neke'anga.
- E uiui atu koe ki taau ngai angaanga, ki te apii, e te au ngai akono tiaki tamariki, no te au parani o te tuatau kino pakari viviki e te neke'anga kia ora te tangata E ui koe e, me ka anoano ratou i te ravenga viviki e rauka ai i te kapiki viviki atu ia kotou i te tuatau kino pakari.
- Eaa te au tauturu papa o te oire te ka rauka i te oronga atu no kotou no te ngutuare tangata me tupu ake tetai kino pakari viviki?
  - E pati kotou i te au tuatua akakitekite o te au putuputu'anga tauturu o te oire ma te tata rekoti i te reira ki runga i ta kotou Parani o te Tuatau Kino Pakari Viviki.
  - Me ka anoano'ia te tauturu no to kotou ngutuare tangata no te neke'anga kia ora ki tetai ngai meitaki, e ui kotou no te au tauturu ta te konitara oire e ta te au putuputu'anga ka rauka i te oronga atu.

- Kia matau kotou i te akarongo i te au akakitekite'anga akamatakite a te Bureau of Meterology (te [www.bom.gov.au](http://www.bom.gov.au) e te au numero founu o ta ratou au ngai angaanga)

## 2. E uriuri manako kotou ko te ngutuare tangata no te au turanga tau kia rave kotou.

- E uriuri manako meitaki kotou no te au turanga kino tatakitaime me tupu ake e to ratou au turanga kino.
- Eaa ta kotou ka rave i te tuatau o te au kino pakari viviki tatakitaime me tupu ake?
- Tei teea ngai ra koe me tupu ake tetai kino pakari viviki?
- Tei runga ua i te tu o te kino pakari viviki te ka tupu, e kimi manako ei kotou e, ka akapeea kotou i te kapiki atu anga e te aravei atu anga i te katoatoa.
- Kua kite meitaki ainei te katoatoa i te tu o te Standard Emergency Warning Signals (SEWS) e ta ratou kia rave me rong'o'ia te sikinara akamatakite'anga me akakite'ia mai? Akara'ia atu te [www.disaster.qld.gov.au](http://www.disaster.qld.gov.au) kia kite kotou i tetai au tuanga akaou no te SEWS.
- Kua kite ainei te katoatoa e, ka akapeea ratou i te akatangi akarongo'anga i te ratio a te oire no te au akakitekite'anga akamatakite te ka akakite'ia mai?
- Penei, ka anoano katoa ia kotou kia teatea-mamao no te neke'anga. Uriuri manako ia atu no te ngai ta kotou kia aere kotou ki reira, me kare e rauka ia kotou i te oki ki to kotou ngutuare, me kore ra, me ka akaruke kotou i to kotou ngutuare.
- Tamanako'ia tetai nga ngai uipa'anga e rua no te tuatau me tupu ake te kino pakari viviki, ko tetai ngai kia vaiata ki to kotou ngutuare, e ko tetai ngai ki roto i te oire, e ei ngai ka ngoie meitaki ua te katoatoa i te aere ki reira.
- Iki'ia tetai nga mema e rua o te kopu tangata, me kore ra, tetai nga taeake kare e noo ana ki kona ia kotou, (okotai e noo ra i te oire, okotai e noo ana e state ke) ei nga tangata kapiki i te au ngutuare me tupu ake te kino pakari viviki e kua takatakake aere to kotou ngutuare tangata. Akapapu meitaki ia e, kua kite to kotou ngutuare tangata katoatoa i te ravenga no te kapiki atu anga i teia nga tangata e rua.
- Urriuri manako ia te turanga makimaki o tetai au mema o te ngutuare tangata. Kia tuku katoa ia atu te au vairakau tei anoano'ia e te au akataka'anga o te maata o te reira au vairakau, ki roto i ta kotou Ko'u Apinga tauturu no te Tuatau Kino Pakari Viviki.
- Uriuri manako ia no te au teatea-mamao'anga te ka anoano'ia no ta kotou au manu animara akaperepere.

## 3. Rekoti'ia te au tuanga puapinga ki roto i ta kotou Parani o te Tuatau Kino Pakari Viviki, mei tera e:

- Te au numero founu tauturu rapurapu o te tuatau kino pakari viviki, e te au numero founu tau kapiti mai; Te au numero founu Triple Zero (000); 132 500 (SES); te au ngai rapakau maki; te konitara oire; te au ona uira e tetai au ona oronga tauturu; te au ona insurance; te kopu tangata e te ai taeake i roto i ta kotou Parani o te Tuatau Kino Pakari Viviki.
- Te au numero founu apaipai rima a te ngutuare tangata, tetai au numero founu ke atu, mei to te ngai angaanga, to te apii, to te au ngai akono tiaki tamariki rikiriki, to te au taeake, to te au ngutuare i te pae mai ia kotou, e to kotou au oronga o te ngutuare te ka rauka i te kapiki viviki'ia.
- Te au tuatua akataka no te nga ngai uipaanga ta kotou i tamanako.
- Tetai turanga o te ora'anga no te rapakau'anga, te tu o te vairakau rapakau'anga, e te vai to te reira me kai ia.
- Te au tuatua no ta kotou au manu animara akaperepere – to ratou tu, to ratou tutu nenei, te numero founu no te kapiki i te taote o te au manu animara e to ratou au vairakau.
- Te akakitekite'anga putuputu a te ratio o to kotou oire, ([www.abc.net.au/local](http://www.abc.net.au/local)), te roro uira atuitui a te Bureau of Meteorology ([www.bom.gov.au](http://www.bom.gov.au)) ma te ringi katoa atu i te ngai akakitekite anga reva no te au akamatakite'anga te ka tupu ake.

## 4. Akapapu meitaki ia e, kua papa meitaki te katoatoa o to kotou ngutuare tangata.

- Teatea-mamao'ia tetai Ko'u Apinga tauturu no te Tuatau Kino Pakari Viviki ma te akaruke i te reira ki tetai ngai meitaki tikai te ka rauka ngoie i te tiki atu.
- Akara'ia ma te apiipii taokioki putuputu i ta kotou Parani no te Tuatau Kino Pakari Viviki (e toru taime i te mataiti okotai).
- Apii'ia te tamariki e, ka akapeea te kapiki'anga i te au numero e Toru Zero (000 me tupu ake te kino pakari viviki (ta-angaanga'ia te numero 112 o te au founu apaipai rima). Kia kapiki ia te numero Triple Zero (000 i te tuatau ua e manako ra koe e, ka riro te kino pakari viviki i te takinga-kino i te ora'anga, ka tupu te kino, me kore ra, e kino pakari maata te ka tupu.
- Akapapu'ia e, e setifiketi First Aid to te aronga o te ngutuare. Tuku'ia atu tetai ko'u First Aid tei ki meitaki i te au mea katoatoa ka anoano'ia, ki roto i ta kotou Ko'u Apinga tauturu no te Tuatau Kino Pakari Viviki. E rave ana te Queensland Ambulance Service i te angaanga tereni ma te oronga i te au apinga te ka anoano'ia no te first aid ([www.ambulance.qld.gov.au](http://www.ambulance.qld.gov.au)).
- Akapapu meitaki ia e, ka kite te katoatoa e, ka akapeea te akatangi akarongo'anga i te au tuatua akakitekite akamatakite'anga.
- Maani'ia tetai au vairanga moni (wallet) no te tuatau kino pakari viviki na te katoatoa o te ngutuare tangata, ei akara'anga na ratou me ta-angaanga'ia ta kotou Parani o te Tuatau Kino Pakari Viviki.
- Akapapu meitaki ia e, ka kite te katoatoa i te ngai,

te rave'anga, e te tuatau no te tamate'anga i te ngai tinamou o te uira o te ngutuare, te vai, te gas, penei ake oki e, ko te neke'ia te katoatoa, e ngai ke.

- Tuku akaari'ia ta kotou Parani o te Tuatau Kino Pakari Viviki ki runga i te fridge, me kore ra, ki runga i tetai ngai tata tuatua a te ngutuare tangata, ma te oronga katoa i tetai kopi ki te au mema tatakitaime te ngutuare, ki te au taeake, ki te kopu tangata, e te au ngutuare vaiata mai kia kotou, ma te akaruke katoa i tetai kopi ki roto i ta kotou Ko'u Apinga tauturu.
- E kimi manako marie kotou no te piri atu ki roto i tetai putuputu'anga oire angaanga oronga tauturu, me tupu ake te kino pakari viviki, mei te State Emergency Service (SES), kia maata atu to kotou kite i ta kotou kia rave no te tauturu'anga i to kotou oire tangata kia papa ratou e kia kite i tei tau kia raveia me tupu te kino pakari viviki.

## Kia maara ua rai

**Kia piri te katoatoa o te ngutuare tangata ki ta kotou au teatea-mamao'anga, kia kite te katoatoa i te au turanga kino te ka tupu ake, e te au ravenga tau kia raveia no te reira me tupu ake te kino pakari viviki.**

**E takainga puapinga maata no to kotou ngutuare tangata i te teatea-mamao i tetai Parani no te Tuatau Kino Pakari Viviki kia papa ratou, e kia rauka te ora me tupu ake te turanga kino o te au tuatau kino pakari viviki.**

**Ka anoano'ia kia kite te katoatoa o te ngutuare tangata i te ngai i akaruke'ia ai te Parani o te Tuatau Kino Pakari Viviki.**

**E apiipii kotou ko te ngutuare tangata katoatoa i tetai o te au marama, kia papu meitaki e, kua kite te katoatoa i ta ratou ka rave me tupu ake te kino pakari viviki.**

*Ko teia tata'anga, e tuatua akakitekite ua e kua raveia teia ma te ngakau tae meitaki tikai. Kare te Department of Community Safety, te Emergency Management Queensland, te State Emergency Service e ariki i tetai atu aka'apa'anga me rokoia tetai tangata e te turanga kino e tona au apinga (e pera katoa te au kino tei tupu i muri mai) kia aia. Kare katoa e ariki'ia tetai akaapa'anga me kua irinaki tetai au tangata ki runga i teia au tuatua akamarama'anga.*

© 2013 Department of Community Safety

**No tetai au tuatua akakitekite akaou no te teatea-mamao'anga no te au tuatau kino pakari viviki, atoro'ia atu te [www.disaster.qld.gov.au](http://www.disaster.qld.gov.au)**

# Te Parani o te Tuatau Kino Pakari Viviki



## Te Au Tuatua Akataka'anga i te ravenga aravei kapiki'anga i te ngutuare

Te Ingoa	Te Numero o te Mobile	Te Atereti i-mere

## Te au ngai kia aravei kotou, penei ua ake te noo takake ra kotou, me kore ra, ka anoano'ia kotou kia akaneke'ia.

Te ngai uipaanga vaiata	
Te Atereti	
Te numero founu	
Te Atereti i-mere	
Te ngai uipaanga manga mamao atu	
Te Atereti	
Te numero founu no te kapiki atu	
Te atereti i-mere	

## Te Au Aronga o te Ngutuare Tei Tamanako'ia kia Aravei'ia atu i te Tuatau Kino Pakari Viviki.

Te ingoa o te tangata vaiata kia aravei ia atu	
Te atereti	
Te numero founu o te ngutuare/ngai angaanga	
Te numero founu mobile	
Te atereti i-mere	
Te ingoa o te tangata i va'o mai i te oire kia aravei'ia atu	
Te atereti	
Te numero founu o te ngutuare/ngai angaanga	
Te numero founu mobile	
Te atereti i-mere	

## Te Au Apinga Angaanga Tinamou – ka akapeea te tamate'anga i teia au apinga angaanga e te ngai e vai ra ratou

Te uira a'i		
Te gas		
Te vai		

## Te au numero founu puapinga maata

Te Akava, te au aronga tamate a'i e pera te Ambulance	Te Triple 000 Zero (te 112 o te mobile)
Te State Emergency Services (SES)	Te numero 132 500
Te Konitara Oire	
Te Ona Uira	
Te GP, me kore ra, te pi'a rapakau o te taote	
Te Aremaki	
Te ngai angaanga a te veterinary	
Te ona insurance	
Te aronga tauturu akono tiaki tamariki	
Te apii tua'tai o te oire	
Te apii tuarua o te oire	
Te ngai angaanga	
Te ngai angaanga	
Te numero founu angaanga a te Bureau of Meteorology ( <a href="http://www.bom.gov.au/other/voice.shtml">http://www.bom.gov.au/other/voice.shtml</a> )	
Te au taeake	
Te au taeake	
Te au ngutuare i te pae mai	
Te au ngutuare i te pae mai	

## Te au tuatua akakitekite no te au apinga rapakau

Te au vairakau rapakau'anga	Koai te ka anoao'ia kia kai i teia, e, eaa te maata tana kia kai'ia?

Ka akaruru matou ki ea me te noo ra matou ki roto i te are? Ka akaruru ta matou au manu animara akaperepere ki ea?

Te au tuatau kia raveia te apiipii'anga o te Parani no te Tuatau Kino Pakari Viviki (e toru taime i te mataiti okotai):

- \_\_\_\_\_ Te ravenga e rauka mai ei te akatangi'anga o te ratio o te oire
- \_\_\_\_\_
- \_\_\_\_\_